



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 61. Balthasaris Sandoval Cardinalis extrema.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

ma prima Januarii ætatis suæ anno Sæc. XVII.
 quinquagesimo secundo. A. C. 1665.

§. LXI.

*Balthasar Sandoval Cardinalis
 extrema.*

Hunc pari fato sequebatur Balthasar Sandoval Hispanus, qui in Salamanticensi Academia, Doctoratus laurea decoratus, Rectoris magnifici partes obibat, postea Ecclesiæ Toletanæ Decanus, Archidiaconus, & Regii Sacelli Minister, demum vero ad Philippo III. Hispaniarum Regis preces a Paulo V. Cardinalis nominabatur. Rexerat etiam Episcopus Giennensem & Jayensem Ecclesias, quibus cum uberrimo gregis sui proventu præfuit, habitaque Synodo ipse visitavit, ab omnibus passim Cleri exemplum, & Pater pauperum nominatus; hos enim quotidie convivas habuit, in morte hæredes instituit, & in vita in eos tam largas effudit eleemosynas, ut prodigii instar haberetur, tantis expensis censum suffecisse: Præferebat illius Palatium magis cænobium, quam Principis aulam: familiam quoque habebat universam ad totius honestatis leges compositam: ipse etiam morum integritate, rara in supremis dignitatibus mode-

*Ciacon. in
 vita Paul. V.
 tom. 4.*

Sæc. XVII. modestia, religionis studio, animi candore, ac pietatis fervore, cunctos tam Ecclesiasticos quam Laicos ad sui imitationem incitabat: Demum Toletanus Archiepiscopus, Hispaniæ Primas, & supremus Castellæ Cancellarius, Regique a secretioribus consiliis nominatus, Toleti Mense Septembri expleto septuagesimo septimo ætatis anno vitam meritis plenam finivit.

§. LXII.

Quædam Sacrarum Congregationum decisiones.

*S. Congr.
Rit. Conc.
Episc. &c.*

Oriebatur quædam disceptatio inter Ravennatensem Archidiaconum, & Abbatem Ecclesiæ ad S. Vitalem, an hic vel Archidiaconus, aut alius Cathedralis Canonicus aspersorium Aquæ Iustralis Archiepiscopo Ravennateni præbere debeat, quando hic unicum Capitulo Metropolitano ad Pontificalia exercenda Ecclesiæ accedit. die igitur vigesima prima Martii Sacra Rituum Congregatio desuper consulta respondit, id Abbati competere, Archiepiscopo autem ejusdem festivitatis Vesperas non amplius celebrante, vel eidem non assistente, Baldachinum ejus deponatur, atque aliud pro Abbate celebraturo erigatur. Pariter sacra